

Öreigar og kúgaðar þjóðir heims sameinist!

Stéttabaráttan



Ert þú
áskrifandi
að viku-
blaði
verkafólks?

Málagn Kommúnistaflokks Íslands/Marxista-Lenínista

41. tölublað

Þriðjudaginn 22. nóvember

6. árgangur.

Verð kr. 60.

Hækkun álagninga



Skyldi verslun vera stunduð af hugsjónaáæðum?

Fyrir skömmu hélt Verðlagsráð sinn 300asta fund. Á þeim tímamótum þótti meirihlutanum í ráðinu hafa að gera samþykkt, sem færa mun a. m. k. 3000 milljónir á einu ári úr vasa launafólks til eigenda verslunarfyrirtækja og heildsala. Samþykkt var 10% hækkun álagningar bæði í heildsölu og smásölu. Mun hækkunin sennilega valda að meðaltali um 2-3% vöruverðshækkun. Hækkun þessi kemur í kjölfar eindreginna krafna verslunar-eigenda, sem hafa eins og aðrir Íslenskir atvinnurekendur verið iðnir við að barma sér yfir báðum hag. Ef trúu ætti þeim eymdarsöng, mætti ætla að ekki væri fýsilegt að stofna verslunarfyrirtæki, vegna þess hve leyfileg álagning er lág. Það er þó alkunn staðreynd, öllum þeim sem vita vilja, að undanfarir hafa húsgagnaverslanir spröttið upp, matvöruverslanir hafa keppt við að veita af slátt frá leyfilegri álagningu og stöðugt er verið að opna

nýjar-fataverslanir. Því á almenningur í landinu erfitt með að trúu fullyrðingunum um hina "gífurlegu erfiðleika verslunarinnar". Hækkunin nú er þó að álitu hagspekinga verslunarinnar aðeins tímabundin lausn á vandanum. Vandinn verði ekki leystur fyrr en verslunarálagning verði alveg gefin frjáls. Þá muni hagur verslunarfyrirtækjanna blómstra og þá muni samkeppnin frjálsa leiða af sér stórlega lækkað vöruverð. Þessar kenningar njóta að vonum lítils fylgis almennings, en verslunaraufvaldið kann aðrar leiðir til að ná fram sínu markmiði og þeim aðferðum mun það vissulega beita. Heildsalar og fjársterkir kaupmenn eiga digra sjóði, sem enn munu gildna við hækkun álagningarinnar, og þeir eru fúsir til að verja hluta þeirra til að greiða í kosningasjóði og stuðla þannig að kjöri þeirra flokka "sem vilja hag verslunarinnar sem mestan". Og til þess var væntanlega greiðinn gerður.

Verðlagsráð.

Reynslan af störfum Verðlagsráðs hefur sýnt, að það er

lítil sem enginn hemill á verðhækkunaskriðuna. Enda er því í raun ekki ætlað það hlutverk, heldur er það eingöngu eitt þeirra tækja, sem borgararnir hafa komið sér upp til að reyna að hylja stéttarlegt eðli aðgerða sinna. Ráðið á að teljast hlutlaus að illi, þar sem í því sitja auk fulltrúa atvinnurekenda og ríkisvalds þeir fulltrúar frá samtökum launafólks. Ríkisfulltrúarnir snúast hins vegar ætíð á sveif með atvinnurekendum þegar á reynir og er ráðið því eingöngu tæki borgaranna við að ná aftur þeim launahækkunum sem verkafólk og samtök þess hafa knúið fram.

Kjararásnaðgerðir.

Núna 1. desember mun koma nokkur hækkun á laun verkafólks, bæði bein launahækkun sem ASÍ samdi um fyrir sína félaga í vor, og auk þess vísitölubætur vegna óðaverðbólgunnar. Þessarri hækkun, sem kemur ekki til útborgunar hjá fólki með mán. aðarlaun fyrr en í lok desember hyggjast borgararnir ná aftur (jafnvel áður en hún kemur til útborgunar) með frh. á bls. 3

Sókn til málfrelsis á Íslandi

Nýlega var stofnaður sjóður til verndunar málfrelsi á Íslandi. Þessi sjóðsstofnun kemur í beinu framhaldi af málaferlum þeim, sem hafin voru á hendur þeim sem vöguðu sér að gagnrýna VL-menn opinberlega. Hefur það mál þegar vakið heimsathygli, Íslensku réttarfari. síst til vegsemdar. Stofnun sjóðsins með þessu markmiði var rædd af miklum áhuga meðal herstöðvaandstæðinga í sumar og er að vænta góðs stuðnings af þeim. Kommúnistar berjast ótulllega gegn öllum tilraunum auðvaldsins til að hefta málfrelsi alþýðunnar og vill Stéttabaráttan því hvetja fólk til að styðja sjóðinn. Hér á eftir fer ávarp frá stofnendum.

"Allt frá tímum frönsku stjórnarbyltingarinnar hefur skoðana- og tjáningarfrelsi verið einn af hornsteinum þess lýðræðis, sem þjóðir um norðanverða Evrópu og Ameríku hafa hyllt og leitast við að festa í sessi. Réttarþróun í þessum efnum hefur mjög

gengið í þá átt að rýmka málfrelsi í stjórnmálaumræðum.

Samkvæmt stjórnarskrá Íslands eiga þessi réttindi að vera tryggð Íslendingum, en með framkvæmd gildandi laga ákvæða um meiðyrði er hætt á að þessum réttindum verði í raun settar óæskilegar og ónaðsynlegar skorður.

Tilfni þessa ávarps eru dómur þeir, sem nýlega hafa verið kveðnir upp í Hæstarétti vegna ummæla sem fallið hafa í umræðu um herasetuna, eitt heitasta deilumál þjóðarinnar síðustu þrjá áratugi. Með þeim hefur mörgum einstaklingum verið gert að greiða háar fjárhæðir í málskostnað og

miskabætur handa stefnendum.


Undirritaðir telja nauðsynlegt, að tryggt verði fyllsta frelsi til umræðu um málefni sem varða almannaheill, og til óheftrar listrænnar tjáningar. Meðan þetta frelsi er ekki ótvírætt tryggt, teljum við höfuðnaðsyn að slá skjaldborg um málfrelsið og höfum í því skyni ákveðið að beita okkur fyrir stofnun Málfrelsis sjóðs. Málfrelsis sjóði verður ætlað það hlutverk að standa straum af kostnaði og miskabótum vegna meiðyrðamála, þegar stjórn sjóðsins telur að með þeim séu óeðlilega heftar umræður um mál sem hafa almenna samfélagslega eða menningarlega skírskotun.

Skorum við á Íslendinga að styrkja sjóðinn með fjárframlögum."

Gírónúmer sjóðsins er : 31800-0 en skrifstofa sjóðsins er að Laugavegi 31 (Alþýðubankahúsinu) og er hún opin milli kl. 13 og 17 sími 2 94 90.



Aðstandendur VL-undirskriftanna bera gögnin inn í Alþingishúsið. Eiga sumir menn að vera vandaðir gegn gagnrýni með lögum.



Því var lokun frystihúsanna ekki hindruð?

Enn er ekki búið að opna frystihús Bæjarútgerðar Hafnarfjarðar eftir að því var lokað í ágúst síðastliðnum. Flest önnur frystihús eru tekin til starfa aftur og sumum var aldrei lokað vegna hótanna verkalyðshreyfingarinnar um aðgerðir.

Á Akranesi krafðist forysta verkavennadeildarinnar þess að fá að taka við rekstrinum þegar eigendur Haralds Böðvarssonar og co hótuðu lokun. Þetta voru rétt vinnubrögð sem báru árangur sem mikilvægt er að læra af. Annars staðar eins og til dæmis í Hafnarfirði neitaði forysta verkalyðsfélagsins að hafa afskipti af málinu og fyrir austan fjall var stjórnun verkalyðsfélaganna synjað um stuðning frá ASÍ forystunni hér í Reykjavík. Verkalyðsforystunni hefði verið í lófa lagið að koma í veg fyrir lokun allra

frystihúsanna á grundvelli ákvæðis í vinnulöggjöfinni um geðþóttappauppsagnir. Eðvarð Sigurðsson hefur upplýst það að þessu ákvæði var beitt til að hindra lokun Bæjarútgerðar Reykjavíkur. Ef vilji hefði verið hjá forystumönnum ASÍ hefði mátt hindra lokun húsanna annars staðar á sömu forsendum. En það er sama gamla sagan, forystumenn ASÍ vilja ekki leggja út í baráttu við auðvaldið, heldur hafa við það góða samvinnu.

Þetta er ótækt og algjörlega í andstöðu við hagsmuni verka fólks og enn ein sönnunin á því að innan verkalyðshreyfingarinnar eru menn sem eiga þar ekki heima. Ef ekki er staðið á hagsmunum okkar af fyllstu hörku, ganga atvinnurekendur á lagið, því eins og sagan kennir okkur höfum við orðið að berjast um hvern og einn ávinning sem við búum við í dag.

Hin tíu megin-tengsl

sjá bls. 3

Ur fréttabréfi
Verkalýðsfélags
Vestmannaeyja
sjá baksíðu

LEIÐARI

Verðbólga og fjárhagsáætlanir

Það er nokkuð athyglisvert hversu umræður stjórnmálamiðanna um verðbólgu og tilraunir stjórnvalda til að stemma stigu við henni hafa fært okkur ófullburða leiðir til lausnar þessum vanda. Fjölmargar leiðir eru nefndar eins og hækkun vaxta til samræmis við verðbólgu, barátta stjórnvalda gegn launahækkunum er önnur, og sú þriðja er minni umsvif ríkisins í framleiðslunni. Ef þessar lausnir eru lagðar saman og skoðaðar í tengslum við nýjustu aðgerðir stjórnvalda í efnahagsmálum er nokkuð ljóst hvert stefnir og við hverju megi búast næstu mánuði og á komandi árum.

Í gervöllum auðvaldsheiminum hafa einkenni efnahagskreppunnar stöðugt komið betur í ljós, samdrátturinn í framleiðslunni er nú að taka við af verðbólgunni, sem aðaleinkenni. Þetta kemur fyrst fram í framleiðslu á framleiðslutækjum og allri slíkri frumframleiðslu, einnig námugreftri og slíku. Eðlilega höfum við því ekki fundið svo mjög fyrir þessum samdrætti enn þá, en þó bendir ýmislegt til að verið sé að færa hingað heim hrun þessa þáttar framleiðslunnar. Hér er átt við verksmiðjuna á Grundartanga, en hún er einmitt meður af þeim þætti framleiðslunnar þar sem kreppan hefur tekið við af hagvextinum, sölutregða og verðfall í stað verðhækkunar. Nýjustu tölur sýna að ef Jánblendiverksmiðjan væri tekin til starfa nú, væri hallinn á rekstrinum um 1000 milljónir króna. Á þessu ætti öllum að vera augljóst að rekstur slíkrar verksmiðju kemur auðvitað ekki til greina séð út frá hagnaðar sjónarmiðum. Norski auðhringurinn sem er annar eignaradilinn að verksmiðjunni og á jafnframt minnihluta í verksmiðjunni yrði sennilega ekkert allt of áfjášur í að halda slíkum taprekstri gangandi. Ef starfræksla verksmiðjunnar væri hafin væri eins líklegt að nokkur hundruð íslendinga hefðu fengið að kynnast atvinnuleysinu nú þegar.

Í sambandi við verðbólguna og baráttu gegn henni er nokkur ástæða til að skoða hvaða möguleika ríkið og stjórnvöldhafa til að berjast gegn henni. Ef gengið er út frá því að hægt sé með skynsamlegum fjárfestingum og sæmilegri heildarskipulagningu fjármála að stemma

stigu við stjórnlausri verðlagsþróun. Í framhaldi af þessu skulum við athuga möguleika stjórnvalda við okkar efnahagskerfi. Að vísu er lögð fram áætlun af hálfu ríkisins, um það hvernig ríkið hefur áætlað að fjárfesta á komandi ári, svo kallað fjárlagafrumvarp. Frumvarpið og þær aðgerðir sem þar eru boðaðar, þurfa ekki endilega að vera sjálfar orsök verðbólgunnar. Því að þegar grannr er skoðað kemur nefnilega í ljós, að frumvarp stjórnvalda segir ekki nema að hluta frá þeim fjárhagsáætlunum sem gerðar eru á ári hverju. Í hverju einasta fyrirtæki eru líka gerðar áætlanir, áætlanir sem eiga að færa höfundum sínum gróða og til þess verður að beita öllum tiltækum ráðum, því margir eru um hituna. Yfir öllu þessu einkafjármagni hefur ríkið ekkert að segja og vitað er að ekki verður lagt í neitt, nema sem margfaldar það. Stærstur hluti af allri fjárfestingu er þannig olía á verðbólguþálið. Í mörgum hundruð verksmiðjum og fyrirtækjum eru útbúar fjárhagsáætlanir sem miða að því að ná hámarksgróða, að ávaxta eigið pund sem mest í verðbólgunni. Á þessu sjáum við að það er nokkurn vegin sama hvað stjórnmálamenn finna upp margar snjallar lausnir á verðbólguvandinum. Meðan ekki er tekist á við aðal vandanalið, skipulagsleysið í framleiðslunni, þá verður ekki hægt að hafa stöðugt verðlag. Fólk er kannski hissa á því, hvers vegna ekki er reynt að stemma stigu við því að alls konar ósvífnir gróðahyggjumenn, séu látnir ganga svo greinilega á hagsmunum alls þorra þjóðarinnar. En ef haft er í huga, hverjir það eru sem sitja í valdastólum ríkisins og opinberra aðila, sem gæta eiga hagsmuna allra þegna þjóðfélagsins, fæst fljótlega skýringin á þessu. Hvort sem það eru alþingismenn, ríkisstjórnin, eða opinberir embættismenn, eru þeir undantekningar lítið tengdir gróðanum af einkafjármagninu. Þeir eru beinir eða óbeinir fulltrúar einkagróðans, sem ræður nú yfir einkafyrirtækjum og fjárfestingum þeirra og ríkisfjármagninu í gegn um fulltrúa sína. Ástandi þessara mála verður ekki breytt nema með því að verkalyðsstéttin og vinnandi alþýða hefji stórsókn til verndunar hagsmuna sinna á öllum vígstöðvum.

Afnemum ákvæðisvinnuna

frh. af baksíðu



Vinnan við að salta smá-síldartunnu er 50% meiri en að salta stórsíldartunnu. Á undanförunum árum hefur þetta verið metið í kaupum 28% herra þó náðist fram í nýgerðum samningum að jafna þetta nokk uð (40% herra) en því miður hefur það verið á kostnað sölunarlauna fyrir stórsíld. Það má með sanni segja að samningamenn þeir sem hafa fjallað um þessa tegund ákvæðisvinnu hafi "slumpað" á sölunarlaunin á undanförunum árum og kastað höndum til þeirra samninga.

Þegar gerður er samanburður á launum er venjulega tekið mið af hæstu launum og allir sem þau störf vinna taldir hafa jafnmikið úr bitum. Það er tekið mið af hásetahlut á fengisælasta veiðiskipinu, og fljótustu sölunarstúlkunni og talað svo um ráðherralaun og margföld ráðherralaun. Að sjálfsögðu er hverju þjóðfélagi nauðsyn á að eiga afburða-fólk á sem flestum sviðum og ekki nema sjálfsagt og eðlilegt að umbuna því, en það má heldur ekki gleymast að það er meðalmanneskjan sem verið er að semja fyrir, það er hún sem er í meirihluta.

Sölunarstúlka sem nær meðalhraða við síldarsöltun mun enn ná því að fara yfir tímakaup í dagvinnu, en því er ekki að heilsa að síldarsöltun fari eingöngu fram 8 tíma á dag 5 daga vikunnar og þegar að næturvinnunni kemur, má hún hafa sig alla við til þess að láta sölunarlaunin sín ná tímakaupi.

Hér í Vestmannaeyjum eru nánast öll störf í fiskiðnaði unnin í tímamældri ákvæðisvinnu og hefur grunnur þess ákvæðis jafnan haldist í hendur við tímakaupið eins og það er á hverjum tíma. Aftur á móti hefur ákvæðisvinnu við síldarsöltun sífellt verið að dragast afturúr, með þeim afleiðingum sem nú eru að koma í ljós.

Sú kjaradeila, sem nú er upp komin milli atvinnurekenda og

verkafólks hér, hefur átt sér langan aðdraganda. Á árinu 1975 kom til tveggja staðbundinna ólöglegra verkfalla vegna megnrar óánægju verkafólks með kaup og kjör og sama sagan endurtók sig á síðastliðnu ári og þurftu verkalyðsfélögin að taka sér nokkurs konar sáttasemjarahlutverk í þessum tifellum. Að sjálfsögðu var í öll skiptin um bráðabirgðalausnir að ræða.

Af nýgerðum samningum er augljóst þeim sem sjá vilja, að sama sagan muni endurtaka sig, er verkafólk fer að vinna eftir þeim.

Þær kröfur sem verkalyðsfélögin hér setja fram að þessu sinni eru mjög í hóf stilltar og til þess eins fram settar að forða árekstrum á komandi hausti ef úr síldarsöltun verður.

Sölunarstúlkur vilja að hringurinn verði afnuminn og setta sig við að fá greidd þau laun sem samið var um fyrir uppsaltaða tunnu án hrings. Þannig að þar er ekki um nein aukagjöld að ræða fyrir atvinnurekendur. Verkafólk sem vinnur tímavinnu við síldarsöltun vill halda sama taxta og það hafði fyrir þau störf í síðastgildandi samningum, (2,28% hækkun).

Þær kröfur sem verkafólk heldur fast við gætu þýtt innan við 1% hækkun á sölunarkostnaði og hefði einhverntíma þótt bera vott um lítilþægni verkafólks.

Atvinnurekendur eru hinir þverustu, bjóða upp á Hornafjarðarsamkomulagið óbreytt, en það er ekki nóg að bjóða upp á samning gerðan á einum stað, ef vinnutilhögun er ekki sú sama og hér.

Eins og horfur eru nú með samninga, er ekki útlit fyrir að söltuð verði síld hér á þessu hausti. Einkaframtakið sér ekki noga gróðavon í síldarsöltun að þessu sinni og hefur því ekki áhuga fyrir samningum.

Þetta getur þýtt tap fyrir byggðarlagið svo hundruðum milljóna skipti og þrátt fyrir tal atvinnurekenda um að þeir séu sí og æ að farna sér og hagsmunum sínum fyrir byggðarlagið, þá er það augljóst að fórnfýsinni sleppir um leið og kúfurinn minnkar á gróðanum. J. K. Birt með leyfi höfundar.




HÆKKUN FARGJALDA SVR.

Fargjöld með strætisvögnum hækkðu nú fyrir skömmu, úr 60kr. í 70kr. hvert far fyrir fullorðna og úr 18 í 20kr. fyrir börn. Um leið fækkaði miðum í 2000kr. -kortum, úr 44 í 38 og barnafarmiðar á 500kr. eru nú 24.

Þjónusta SVR hefur farið versnandi á undanförunum árum, á sama tíma og fargjöldir hækka sífellt. Á sama tíma og vetur gengur í garð, er biðskýlið á Lækjartorgi fært, svo nú híma farþegar upp við vegg þannig er nú ekkert upphitað skýli fyrir farþega, ekki einu sinni á aðalstöðvum. Víða vantar skýli á stoppistöðvum og þau fáu sem þar eru veita lítið skjól. Nauðsynlegt er að hafa stærri skýli við t.d. fjölmenna vinnustaði og aðrar fjölmennar stoppistöðvar. Strjalar ferðir vagnanna og sá langi tími sem fer í að ferðast með þeim, eru til þess að hverri fjölskyldu finnst nauðsyn að eiga bíl. Það mætti með réttu ætla að stjórnendur SVR séu jafnframt bílainsflytjendur.

Það væri vert athugunar, fyrir þá sem nota strætó í vinnu eða skóla, að taka saman þann tíma sem fer í ferðir að og frá vinnustað, frá því lagt er af stað að stoppistöð og þar til komið er á áfangastað. Ekki er óalgennt að þeir sem taka tvo vagna í vinnu, eyði sem svarar heilum vinnudegi vikulega, í ferðir að og frá vinnustað.



Hin tíu megintengsl eftir Mao Tse-tung

frh. af bls. 3

meira magni. Nú vaknar spurningin: Er vilji ykkar til að þróa þungaiðnað heilsteyptur eða íholur, sterkur eða veikur? Ef vilji ykkar er íholur eða veikur mun það koma niður á léttaiðnaði og landbúnaði og þið munuð fjár-

fasta minna í þeim. Ef vilji ykkar er heilsteyptur og sterkur, munuð þið leggja áherslu á landbúnað og léttaiðnað til þess að meira verði af korni og hráefnum fyrir léttaiðnaðinn og aukin upphleðsla fjármagns. Og þá munu verða meiri fjármunir til í framtíðinni til að festa í þungaiðnaðinum. Tvö sjónarhorn eru á þróun þungaiðnaðarins hjá okkur: Annað að þróa landbúnað og léttaiðnað minna, hitt að þróa þá meira. Þegar til lengdar lætur mun fyrri aðferðin leiða til minni og hægari þróunar þungaiðnaðarins eða í það minnsta skapa honum veikari undirstöður, og þegar heildarkostnaður er reiknaður út, að nokkrum áratugum liðnum, mun koma í ljós að hún hefur ekki bargað sig. Seinni aðferðin mun valda meiri og hraðari þróun þungaiðnaðarins og þar sem hún tryggir lífskjör fólksins mun hún leggja traustari hornsteina undir þróun þungaiðnaðarins.

HAFIÐ SAMBAND VIÐ KOMMÚNISTAFLOKK ÍSLANDS M-L

- **Miðstjórn og Ritstjórn** Stéttabaráttunnar, sími: 27810 og pósthólf 1357, 121 R. einnig í Rauðu Stjórninni bókabúð. Lindargötu 15. Opíð mánud. - föstud. 15.-19. 30
- **Akureyri: Jón Atli** Játvarðsson. Hafnarstræti 23.
- **Hafnarfjörður: Fjola** Rögnvaldsd. Reykjavíkurgötu 24.
- **Hornafjörður: Skúli** Walderff. Silfurbraut 2.
- **Ísafjörður: Kristinn** Karlsson. Fjarðarstræti 7.
- **Neskaupstaður: Messíana** Tómasdóttir. Píluvöllum 38.

- **Snæfellsnes: Sigfús** Almarsson. Hellisbraut 10
- **Hellissandi, og Gísli** Hjaltason, pósthólf 63, Stykkishólmi.
- **Suðurnes: Einar** Jónsson Sólvaldargötu 40c, Keflavík.

Laugarvatn: Einar Jónsson Menntaskólanum Laugarvatni.

- **Danmörk: Magnús** Þorgrímsson. Börslum Kollegiet v. 444 Börslumvej 2, 8240 Risskov.
- **Svþjóð: Kristján L.** Guðlaugsson, Kálmárvägen 3A:218. 222 46 Lund.

Hin tíu megingtengsl eftir Mao Tse-tung

"Hin tíu megin tengsl" flutti félagi Maó Tse-tung upphaflega sem ræðu á fundi pólitískrar framkvæmdanefndar miðstjórnar Kommúnistaflokks Kína 25. apríl 1956.

Með því að birta ræðuna sem greinaflokk vill Stéttabaráttan gefa lesendum sínum tækifæri til að kynnst nánar þessum mikla leiðtoga kínversku þjóðarinnar

Hér dregur Maó Tse-tung saman reynslu Kínverja sjálfra sem og einnig reynsluna af Sovétríkjunum í sósíalískri byltingu og sósíalískri uppbyggingu. Á meistaralegan hátt dregur hann þetta saman í "tíu megin tengsl" og setur fram hugmyndir sem eru undirstaðan í stefnu sem lögð er til grundvallar í að byggja sósíalismann með stórstígari, hraðari, betri og meiri efnahagslegum árangri, stefna sem fellur að aðstæðum í Kína.

Stéttabaráttan er einnig sannfærð um að lesendur blaðsins geti marga lærdóma dregið af lestri þessa greinaflokks til brúks í eigin starfi að íslensku byltingunni.

Á undanförnum mánuðum hefur stjórnmalanefnd miðstjórnarinnar hlýtt á skýrslur þrjátíu og fjögurra iðnaðar, landbúnaðar, flutnings, verslunar, fjármála og annarra deilda, sem lúta beinni stjórn ríkisvaldsins og greint af skýrslum þessum nokkur vandamál, sem varða uppbyggingu sósíalismans og sósíalíska umbreytingu. Þegar öll kurl koma til grafar er um tíu

vandamál að ræða, eða tíu megingtengsl.

Glíman við þessi tíu vandamál er háð í ljósi einnar heildarstefnu en hún er sú að virkja öll jákvæð öfl, innlend sem erlend, til þess að þjóna málstað sósíalismans. Fyrir á tímum fylgðum við þessari stefnu að virkja öll jákvæð öfl til að binda endi á yfirráð heimsvaldastefnu, lénsveldis og skrifræðis-kapítalisma og

til þess að leiða lýðræðisbyltingu alþýðunnar til sigurs.

Nú fylgjum við sömu stefnu til að fylgja eftir sósíalísku byltingunni og byggja sósíalískt land. Samt sem áður eru vandamál í starfi voru, sem þarfnast umræðna. Sérstaklega er athyglisverð sú staðreynd að vissar villur og afbakanir sem sköpuðust á ferli sósíalískrar uppbyggingar í Sovétríkjunum, hafa komið í ljós að undanförunu. Viljið þið fylgja frávíkunum sem þau hafa gert? Okkur tókst að forðast viss frávík fyrir löngu síðan, með því að við lærðum af reynslu þeirra, og nú er öllu ærnari ástæða til að gera slíkt hið sama.

Hver eru hin jákvæðu innri og ytri öfl? Innanlands er verkalyður og bændur meginaflið. Millihóparnir eru öfl sem vinna má til fylgis.

Afturhaldið er neikvætt afl, en við ættum samt sem áður að vinna störf okkar vel og gera okkar besta til þess að breyta þessu neikvæða afli í jákvætt afl. Á alþjóðavettvangi verður að sameina öll þau öfl sem hægt er að sameina, við getum gert þau öfl sem í dag eru hlutdræg að hlutleysingjum, og afturhaldsöflunum má jafnvel sundra og færa sér þau þannig í nyt. Í stuttu máli ættum við að virkja alla kröfta, beina jafnt sem óbeina og leggja hart að okkur við að breyta Kína í öflugt sósíalískt ríki.

Nú mun ég ræða um vandamál in tíu.

TEGSLIN MILLI ÞUNGA-
IÐNAÐAR OG HINS VEGAR
LÉTTAÐNAÐAR OG LAND-
BÚNAÐAR.

Í uppbyggingu lands vors er lögð aðaláhersla á þungaíðnaðinn. Allir eru á einu máli um það að framleiðsla framleiðslutækja verði að hafa forgang.

En af því leiðir engan vegin að framleiðsla neysluvarningis og sérstaklega kornmetis megi sitja á hakanum. Án nægrar fæðu og daglegra nauðpurfta væri óhugsandi að sjá verkafólkinu fyrir þörfum þess og til hvers væri þá að tala um þróun þungaíðnaðar?

Af þessum sökum verður að meðhöndla tengslin milli þungaíðnaðar annars vegar og léttaiðnaðar og landbúnaðar hins vegar á réttan hátt.


Við höfum ekki gert nein grundvallarmistök í meðhöndlun þessara tengsla. Okkur hefur tekist betur en Sovétríkjunum og mörgum Austur-Evrópulöndunum. Um langan aldur tókst Sovétríkjunum



ekki að framleiða korn í sama mæli og mest var framleitt fyrir daga Októberbyltingarinnar. Í nokkrum A-Evrópulöndum hefur hið æðandi ósamræmi milli þungaíðnaðar og léttaiðnaðar valdið alvarlegum erfiðleikum.

Vandamál á borð við þessi eru ekki fyrir hendi í landi voru. Ofuráhersla þeirra á þungaíðnaðinn og vanræksla á léttaiðnað og landbúnað leiðir til skorts á neysluvörum á markaðinum og óstöðugs gjaldmiðils. Við höfum hins vegar skeytt meira um léttaiðnað og landbúnað. Frá byrjun höfum við hlúð að og þróað landbúnaðinn og tryggt þannig í umtalsverðum mæli kornforða og hráefni sem nauðsynleg eru fyrir þróun iðnaðarins.

Allgóður forði nauðpurfta er fyrir hendi hjá okkur og verðlag og gjaldmiðill er stöðugur. Við okkur blasir nú sá vandi, að viðhalda réttu hlutfalli milli fjárfestinga í þungaíðnaði annars



Olíu- og gasframleiðsla hefur aukist hröðum skrefum undanfarnir ár í Kína

vegar og léttaiðnaði og landbúnaði hins vegar, til þess að örva þróun hins síðarnefnda.

Er þar með sagt að þungaíðnaður sé ekki lengur aðalatriðið? Hann er það, hann er áfram verður aðaláherslunnar í fjárfestingunni. En hlutfall landbúnaðar og léttaiðnaðar þarf að eflast allnokkuð.

Hver verður afleiðing þessarar aukningar? Í fyrsta lagi mun betur verða séð fyrir daglegum þörfum alþýðunnar. Í öðru lagi mun upphleðsla fjármagns verða hraðari, en það mun gera okkur kleyft að þróa þungaíðnaðinn með meiri og betri árangri. Þungaíðnaður getur líka hlaðið upp fjármagni, en við núverandi efnahagsaðstæður okkar, geta léttaiðnaður og landbúnaður hlaðið því upp hraðar og í

frh. á bls. 2



...í Stuttu máli

V-ÞÝSKUR LÖGFRÆÐINGUR
FRAMSELDUR.

V-þýski lögfræðingurinn Claus Croissant, sem baðst hælis í Frakklandi fyrir á árin sem pólitískur flóttamaður, hefur nú verið framseldur V-þýskum yfirvöldum. Framsal hans hefur vakið mikla reiði í Frakklandi, en yfirvöld þar hafa bannað allar mótmælaaðgerðir vegna þessa. Í bréfi sem franskt blað birti frá Croissant, segir: "Ef svo skyldi fara að dauða minn bæri að höndum í þýsku fangelsi, þá verður það ekki sjálfs morð."

Croissant var verjandi nokkurra félaga Baader-Meinhof. Yfirvöld hafa ákært hann fyrir að vera milligöngumann fanga og félaga þeirra utan fangelsis. Hver sa sem hefur að einhverju leyti tekið upp varnir fyrir borgarskæruliðana, hefur verið ofsóttur af v-þýskum yfirvöldum. Þannig hafa lögfræðingar borgarskæruliðanna verið ákærðir fyrir að vera sjálfir hryðjuverkamenn, eða aðstoða þá og margir lögfræðingar hafa verið sviftir réttindum, eða þeim meinað að verja meinta borgarskæruliða. Alþjóðasamtök lögfræðinga hafa mótmælt aðgerðum v-þýskra yfirvalda og því broti á grundvallar mannréttindum, sem felst í því að svifta sakborninga réttarvörn.

Burt með afturhalds- sama verkalyðs- foringja

frh. af baksíðu
atvinnurekendum, sem vilja sundra verkalyðshreyfingunni. Ef henni hefði verið fylgt, væri um við ennþá í trjánum. Mennt sem fylgja henni væru best komnir þar, eins og einn ágætur verkalyðsforingi utan af landi sagði á ráðstefnu Alþýðubandalagsins um verka lýðsmál.

Það er því orðið nokkuð ljóst að tvær stefnur takast á innan verkalyðshreyfingarinnar, stefna ráðamannanna sem vilja ganga í sátt og til samvinnu við auðvaldið og svo þeirra hinna sem vilja sameina verkalyðsstéttina til baráttu á grundvelli stéttabaráttunnar gegn auðvaldinu. Að eins sú leið að taka upp óvægi na baráttur gegn auðvaldinu fyrir mikilvægustu kröfu verkafólks í hagsmunabaráttunni, lífvænlegum launum fyrir 40 stunda vinnuviku, mun vekja verkafólkið af þeim þyrnirósarsvefni og félagsdóða sem þá er haldið nú í dag. Krafan um að hvert verkalyðsfélag semji fyrir sig, eða að samningarnir verði færðir heim í heruð er einnig mjög mikilvæg til að virkja fjöldann og fá hann til að taka fullan þátt í baráttunni. Þetta eru kröfur sem sameina verkafólk í dag, og ef forysta verkalyðshreyfingarinnar eða hluti hennar er reiðubúinn að berjast fyrir þeim mun það verða til þess, að fjöldinn verður virkur í baráttunni. Þá er leyst úr læðingi það afl sem ekkert fær stöðvað.

Hækkun álagninga

frh. af forsíðu

Þessum og öðrum ámóta kaupránsaðgerðum. Reynslan hefur kennt okkur að borgararnir nota þannig ætíð vald sitt til að skerða kjör launafólks en auka gróða auðherranna. Gegn slíkum árásum hefur launafólk hingað til staðið ber skjáldað. Að vísu greiddi fulltrúar launafólks í Verðlagsráði, forystumenn verkalyðshreyfingarinnar, atkvæði gegn hækkun álagningarprósentunnar, og forystumenn hafa látið hafa eftir sér harðorð mótmæli í blöðum vegna hennar.

En þeir hafa líka látið sitja við orðin tóm. Í stað þess að grípa til aðgerða og virkja fjöldann í verkalyðsfélögunum til baráttu gegn slíkum samþykktum til að fá þeim hnekk til láta forystumennirnir sér nægja að fordæma í orði. Þessa starfshætti hefur uppkleypa forystan lengi stundað. Afleiðingin hefur orðið sú, að borgararnir hika nú ekki við að gera hverja atlgöuna að verkalyðnum á fætur annarri í skjóli þess að hann muni ekki snúast til varnar.

Montpellier 31-10-77



Öreigar og kúgaðar þjóðir heims sameinist!
Stéttabaráttan
Útg: Kommúnistaflokkur Íslands m-l.
41. tbl. 22. 11. 1977



STÉTTABARÁTTAN
-kemur út vikulega-
Sími: 27810.
Gíró: 27810-6.

Abyrgðarm: Sigurður
Ingi Andrésson.

Sigurður Jón Ólafsson
Óðinsögln 17a
101 R



Lögreglan í Þýskalandi við verndun fundar er fasistar héldu nýlega í Þýskalandi.

Nasismi í uppsiglingu Lesendabréf frá Frakklandi

Dularfull "sjálfsmorð" þriggja félaga Baader-Mein-hofhópsins, Baaders, Raspe og Ensslin, í þýskum fangelsum fyrir nokkru vekja upp margar spurningar; ekki aðeins varðandi fyrirbrigðið "Baader-Meinhof" heldur og þá þróun sem vestur-þýskt þjóðfélag virðist vera að taka. Hverjir eru í raun ábyrgir fyrir þróun þess sem fjölmiðlar nefna "alþjóðlega hermdarverkastefnu"?

Ríkisstjórn sósíal-fasistans Helmut Schmidt getur verið ánægð nú. Hún hefur unnið eina orrustu. En, nota bene, þessi sigur er aðeins tímabilsbundinn. Öfbelldi fæðir alltaf af sér sífellda andspyrnu sem ekki verður brotin á bak aftur með útrýmingu eins lítils hóps terrorista.

Aðgerðir Baader-Meinhof hópsins áttu í engu skylt við byltingarsinnaðar baráttu-aðferðir verkalýðsins; þær þjónuðu endanlega því eina markmiði að gefa vestur-þýskum yfirvöldum tylliástand til enn harðari ofsókna á hendur vinstri-sinum. Baader-Meinhof unnu því í raun gegn því markmiði sem þeir sögðust berjast fyrir; þ.e. að grafa undan sívaxandi kúgun vestur-þýskrar borgarastéttar og eflingu ríkisvaldsins.

Í dag eftir nokkurra ára stöðuga hermdarverkastarfssemi B-M, hafa öfbeldistæki þýska ríkisins verið styrkt

um allan helming; þúsundir vinstri-sinna sitja í fangelsum og margir eru landflótta, atvinnuofsóknir eru tíðkaðar, stúdentafélög eru víða bönnuð og friðsamlegar mótmælaaðgerðir bældar niður með hervaldi. Þessa þróun réttlætir þýsk borgarastétt með Baader-Meinhof. Og, hún fær mikinn hlómgrunn, jafnvel meðal þýskrar alþýðu. Þýskri borgarapressu hefur tekist það ætlunarverk sitt að setja samasem merki milli terrorismans og samtaka marx-lenínista yst til vinstri í hugum milljóna þjóðverja. Afleiðingin: Afnáam borgaralega lýðræðisins stig af stigi. 26. september s.l. kröfðust forystumenn flokks kristilegra-demókrata banns á öllum samtökum maðista í Vestur-Þýskalandi. Um er að ræða þrenn samtök: KPD-ML, KPD og KBW (Kommúnistasamtök Vestur-Þýskalands sem sögð eru öflugust þeirra þriggja.

Þessi krafa lýsir tvennu. Í fyrsta lagi að þýsk borgarastétt hefur ásett sér að afnema allt það skoðanafrelsi sem getur haft hættu í för með sér fyrir völd hennar. Það er byrjað á þeim óvini sem felur mesta hættuna í sér. Kreml-sinnunum og trotskyistunum skal leyft að starfa áfram. Í öðru lagi þá er yfirbragð þessarar þróunar furðu líkt þeim atburðum sem leiddu Hitler til valda

frh. á bls. 3

Afnemum ákvæðisvinnuna

Ur fréttabréfi Verkalýðsfélags Vestmannaeyja

Hér áður fyrri var eitt af aðalbaráttumálum verkalýðshreyfingarinnar að leggja niður ákvæðisvinnu í hvaða mynd sem var. Forsendur þess voru augljós vinnubrælkun ákvæðisvinnunnar, auk þess hve mismunagreiðslur til verkafólks ykju á ósamlyndi og úlfúð á vinnustað, ákvæðisvinnan væri sem sagt þrándur í götu samveldni og stéttarvitundar verkafólks. Tímakaup átti að skapa jöfnuð í kaupgreiðslum, gera alla jafnréttáa og verða þannig einn þátturinn í því að sameina verkafólk í baráttunni til bættra kjara.

Með tilkomu mannanna í hvítu sloppunum með skeiðklukkurnar, komu atvinnurekendur á svonefndri tíma-mældri ákvæðisvinnu, þar sem skeiðklukkumenn voru látnir ákvarða hvernig vinna skuli hin ýmsu störf og hve margar (eða fáar) krónur skyldi greiða fyrir hverja einingu, allt undir yfirsýni vísindamennsku að sjálfsögðu.

Með tilkomu þessarar vísindalegu vinnubrælkunar virðist verkalýðshreyfingin hafa gefið upp á bátinn alla baráttu gegn ákvæðisvinnunni, sætt sig við orðinn hlut undir kjör-ordinu: Getirðu ekki sigrað þá gakkstu þá í lið með þeim. - Það eina sem enn eimir eftir af þessarri baráttu gegn ákvæðisvinnunni er andúð ým-

issa framámanna á verkalýðshreyfingarinnar á því, sem þeir nefna "slumpakkorð", sennilega vegna þess að skeiðklukkumennirnir hafa hvergi komið nærri því að móta þau, sem sagt, vantar vísindastimpilinn.

Í síðustu kjarasamningum var ákveðið að ákvæðisvinnan tæki ekki sömu hækkunum og almennt tímakaup (25% lægra). Ég tel vafasamt að þar sé að baki sú hugmynd, að með þessu móti sé unnt að hnekkja þessu launakerfi, kveða drauginn niður í áföngum. Enda væri slík aðferð í meira lagi vafasöm, hefði aðeins í för með sér fleiri svitadropa og aukið erfiði fyrir það verkafólk, sem þessi störf vinnur og um leið fleiri krónur í pyngju atvinnurekenda.

Ákvæðisvinna við síldarsölt.



frh. á bls. 2

Burt með afturhaldssama verkalýðsforingja

Innan verkalýðsfélaganna gerast þær raddir stöðugt háværrari sem vilja taka upp baráttu gegn afturhaldssömum verkalýðsforingjum sem ástanda stéttasamvinnu við borgarastéttina. Verkalýðsbendir réttilega á að forystumenn Alþýðusambandsins hér í Reykjavík eru fulltrúar fyrir einræði og miðstýringu til að útiloka áhrif verkamanna og smærri verkalýðsfélaga á gang samningamála. Þetta kom berlega í ljós í nýafstöðnum samningum Alþýðusambandsins 22. júní, en í þeirri baráttu vildu forystumennirnir ekki virkja fjöldann með k-öfu göngum eða útfundum. Tillögur sem komu fram á fundum verkalýðsfélaga eins og t.d. Dagsbrúnar um að kjarakröfur miðuðust við að við gætum framfleytt okkur af 8 tíma vinnudegi fengust ekki afgreiddar á félagsfundi. Áskorun láglaunaráðstefnu verkalýðsfélagsins Sóknar um að verkalýðshreyfingin berðist fyrir raunverulegri 40 stunda vinnuviku á lífvænlegum launum var sömuleiðis hunsuð. Verkalýðsforingjar utan af landi, sem yfirleitt eru í sterkum tengslum við félagsmenn sína, fengu lítil áhrif að hafa á gang sam-

ingamálanna. Kröfum þessara sömu manna um að samningarir væru færðir heim í héraði, til að hinn almenni félagsmaður fengi að háfa áhrif á gang mála, snúa afturhaldssamir verkalýðsforingjar út úr og segja þær sundra samstöðu verkalýðshreyfingarinnar. Þetta er vissulega alrangt. Því þrátt fyrir að einstök verkalýðsfélög semji sér, þá getur að sjálfsögðu verið um gott samstarf þeirra á milli að ræða. Það er því ljóst hverjir það eru sem vilja sundra samstöðu verkafólksins og forystu hreyfingarinnar og þar með verkalýðshreyfingunni sem einni heild. Þessir afturhaldssömu forystumenn eru

ekki eingöngu íhaldsmenn eins og maður kynni að ætla, þá er einnig að finna innan Alþýðubandalagsins, Alþýðuflokksins og annarra skyldra flokka. Þeir eru gjarnan kallaðir hinir ábyrgu talsmenn verkalýðshreyfingarinnar af VSI, því þeir setja hagsmuni atvinnuveganna og þeirra sem þá eiga og stjórna, ofar hagsmum um verkafólks þegar að samningaborðinu er komið. Þeir reyna að telja okkur trú um að ákveðin peningaupphæð sé til skiptanna milli verkalýðsfélaganna í ASÍ frá atvinnurekendum. Síðan eigum við að slást innbyrðis, og hafa hver sem betur getur. Þessi apakenning sem komin er frá

frh. á bls. 3

Hinir "ábyrgu" forystusauðir verkalýðshreyfingarinnar



Stéttabaráttan

Áskrifta og söluherferðin gengur með ágætum, en henni á að ljúka um áramótin. Þrátt fyrir að nýir áskrifendur telji aðeins 63 er það ekki allur sannleikur í málinu. Tæplega 100 manns eru reynsluáskrifendur fram til áramóta og mun þá koma í ljós hve stór hluti þeirra mun gerast fastir áskrifendur.

Unnið er skipulega að því að bæta tækjakost blaðsins fyrir áramót og verður þá útilit og stað blaðsins þá allt með betri hætti en verið hefur.

Aukin útbreiðsla-Bættur fjárhagur-Tíðari útgáfa.

Hamarinn sýnir aukningu lausastöðunnar frá upphafi herferðarinnar, 1 september s.l. Sigðin telur aukningu áskrifenda á sama tímabili.

Nýjar áskriftir skal póstsenda til: Rauðu Stjórnunnar Lindargötu 15, Pósthólf 1357. S: 27810.

